


www.BibleForChildren.org

Njon 14



Yesu ngê nmopê, Nmyi ghê dmi kîdangê kee, nmyi nuw:o dmi myekîngê dyênê. Nmopê, Chóó Lémi ka dmyinê kêlîmî, a ka myedmyina a kêlîmî. Nmopê, M:aa u p:o ngomo dêdê ghêdê. Nmopê, N:aa lêpî, nmyi p:aa dmi nmyi kada nîmo l:âmol:âmo.



Nmopê, Yi kópu wodaa ndê kópu, ye nmye daapîdî vyi.
Nmopê, Nmyi p:aa dmi l:âmol:âmo u kuwó dini ghi ngê,
amênê diyé, a chóó anê nya nmyo, p:o anî núw:o nmyo,
kwéli anîn:aa ya, y:i amyenmyin:aa ya.



Nê nmyi mbwó Njon, Yesu kóó k:oo a k:ii nmo
wee. U l:êê dîy:o a k:ii myino mgînî vyîmî té.
Chóó Lémi u kópu dyuu pi knî ye noon:aa

tpapê, Yesu p:uu kópuni nî m:uu too, ye
myenoon:aa tpapê dé. Yi



kópu u l:êê dîy:o
Lóma lede knî y:oo
mgîmî noo, ala dyámê
w:uu Patîmos mbwa
k:oo até mî km:êê noo.



Yi ngwo nê, Chóó Lémi u Ghê Dmi ngê até dê mgîmî
nê. Yi ngwo nmî Mî kwéli a tóó, mbóó p:uu, u ya têdê
nî módu.




Noo ng:aa, nê, Tpileni yintómu mbóó p:uu a tóó,
dyámê mbêmê a tóó, dyámê u maknopwo a tóó, ntii
u mênê a tóó, nê, tpileni yintómu
dyámê wope wope a tóó, ka wéti
té, apu, Nmî Mî nmo chaa kîgha,
sipi tp:oo myino chaa kîgha. Apu,
Yi pi dê ndîî dê, yi wêdêwêdê mye
ndîî, nmo
chââchââ dê,
myino chaa
kîgha dê,
chedê ngê
daawa pyódu.



Yi ngwo nmî Mî u p:aa Njedusalem kamî nî módu,
mbóó p:uu u kwo a ndê wo. Kwodo ngê yééyée u kpîdî
u mbwo ntee dpî t:oo, u moo k:ii u ngwo dpî yée knî, yi
p:aani yinté l:âmo ngmê ngê doo ya. Nmî Mî kwéli doo
ya, pi ngmê u dnye ndîi y:i ngmênî nyongo, apê,

Chóó Lémi ala
ngwo u yoo knî
yi vy:o a kwo, u
k:ii nipi adnyi ya.
Apê, Chóó u yoo
ngê adnyi ya, yi
Yâpwo ngê amyaa ya.




Mbwááni n:ii u nt:u, ghê kamî, yi enjel ngê a ka myedê kêma ngê. Nmî Mî sipi tp:oo k:ii kwéli a tóó mo, yi mbwááni y:i wunê mbêpê, myewunê wuu mbele.



Yi p:aani kââdî daa pil:apil:a, d:ââ myedaa pil:apil:a,
mu kópu u dîy:o nmî Mî u wuu ndîî y:i a dnyednye, sipi
tp:oo yi p:aani u lam ntee tpile ngê a kwo.




Tpileni Chóó Lémi ka tupwótupwó dé,
yi p:aani daangmêwa kee. Pi dono yoo,
k:omodanê pyu yoo, yi p:aani
myedaangmêwa kee. Ghê
kamî u yoo yi puku yedê,
yélini yi pi dmi sipi tp:oo
ngê y:i a d:êê too, vyîlo
yi yéli yi p:aani ayi kee
dmi. Kn:aa pini
daangmêwa kee.



Apê, Yi ngemi pwo dmi yi ngîma
wa pyi té. Apê, Mêdaadnyi
pwopwo, mêdaadnyi mbê,
mêdaadnyi yii, mêdaadnyi wélîlî
mgînî vyîmî. Apê, Yi kópu
mbwee dé chedê ngê kêdê pyaa
dmi.




Tpileni daa Chóó Lémi u nuu u tpile dé, yi p:aani daangmêwa kee. Nmî Mî, sipi tp:oo k:ii, yi p:aani adpî ya, yi dpodo pyu yoo y:i adpî y:enê dé, nmî Mî u nkwo adnyi chaa kîgha. U pi yi kêpa adî ya, kwódo ng:oo dmi wa m:uu ngmê.




Myenté yélini pw:oo dniye, my:aa m:uu too, woni yi pi dmi ndiî dé, woni yi pi dmi tédê dé, nmî Mî u kada dnye kwo. Yi puku dmi pywâlî too. Kópuni mwiyé a d:uu tumo, yi pi dmi yi puku dmi yedê dnye ya. Yi kópu knî yi l:êê dîy:o nmî Mî ngê kóté kalê too. Puku dmi m:uu mye pywâlî ngê. N:ii knî y:oo ghê kamî a pyw:ee ngópu, yi pi dmi yi puku yedê doo ya.


Ghê kamî u yoo yi puku yedê, yélini yi pi dmi y:i dêdnye ya, ndiya mye kéé too.



Chóó Lémi u Ghê Dmi ngê Yesu ka kópu, A pwiyé. Sipi
tp:oo u yémî p:uu ngê kópu, A pwiyé. N:ii knî y:oo ala
kópu dyuu wa ny:ee ngmê, ala kópu dny:oo
tpapê, A pwiyé.



N:ii adî mbwaambwaa, dpo pwiyé we. Mbwaáni n:ii
u nt:u ghê kamî, n:ii ngê u yi adî kwo, Nî nda,
yi pini ngê choo ndanî, u pywuu daa tóó.



Dyámê mbêmê
tpémi yi nuu ghi dmi Chóó Lémi nódo
dnyinté daa tóó, wod:oo chóó Tp:oo mu
ngmidi nmo a kpo, mu kópu u dîy:o n:ii u
kwo adî kêlîmî, daawa dyênê, u nuw:o
kamî ngê wa pyódu, ghê kamî
wamyedê pyw:oo, ghéni n:ii
chedê ngê daawa
pyódu.



Lóma 3:23 Dp:oo u mo u mo dé, pi yintómu nmo dono dé,
dp:oo Chóó Lémi u pee dé, ngmênê Chóó Lémi ngê nmî
módó yeedeyeede nmo a kpo, Yesu Kédisu nmo a dy:ââ
ngê, dono vy:o yinê wunê pw:iipw:ii nmoo, u l:êê dîy:o
Chóó Lémi ka pi mb:aa ngê nmî pyaa dniye.

Lóma 6:23 Pini n:ii dono p:uu a dpodo, pwopwo u ngwo
wunê kmênêkmênê, ngmênê Chóó Lémi ngê nmî Lémi Yesu
Kédisu u k:ii nipi wunê kââdîkââdî nmoo, u módó
yeedeyeede mbêmê ghê kamî nmo wunê kuwo ngê, ghéni
n:ii chedê ngê daawa pyódu.

Hipîlu 9:27 Pi ng:êêntómu dpî pw:onu, u kuwó dini ghi
ngê Chóó Lémi ngê dpî kóté kwolo.



Epeso 2:8,9 Nyââ, nmî Mî ngê a yeede nmyoo, dini ghi
n: ii ngê Yesu Kédisu ka nmyi kêlîmî mbê dniye, kóó k: oo
kaa nmyoo. Daa kópuni nmyee a d: uud: uu dé yi l: êê
dîy: o kóó k: oo kaa nmyoo, ngmênê Chóó Lémi ngê módó
a yeede nmyoo, doo u ntââ nmyi chóó nmyi pi dmi
daanmyi kmîmî dé.

Lóma 10:9,10 Nmyi gha vy: o ala kópu ka anmyi kêlîmî,
Chóó Lémi ngê Yesu kpêênî mēdē pyidu ngê, myenté pi
knî ye nmyi komo ngê amy: ee vyi ngmê, anye, Yesu nmî
Lémi, ye Chóó Lémi ngê kóó k: oo wa kaa nmyo. Nmî gha
vy: o Yesu ka anmî kêlîmî, ye Chóó Lémi ngê pi mb: aa ngê
wa pyódu nmo. Pi knî ye nmî komo ngê amy: oo vyi, yenmê,
Yesu nmî Lémi, ye nmî Mbwámê ngê wa ngee nmo, kóó
k: oo wa kaa nmo.



Njon 3:16,17 Dyámê mbêmê tpémi yi nuu ghi dmi Chóó Lémi nódo dnyinté daa tóó, wod:oo chóó Tp:oo mu ngmidi nmo a kpo, mu kópu u dîy:o n:ii u kwo adî kêlîmî, daawa dyênê, u nuw:o kamî ngê wa pyódu, ghê kamî wamyedê pyw:oo, ghéni n:ii chedê ngê daawa pyódu.

Chóó Lémi ngê Tp:oo daa nmî kpadakpada u l:êê dîy:o a dy:ââ ngê, ngmênê nmî Mbwámê ngê a pyódu ngê.

1 Njon 5:11-13 Yi kópu u nt:u kópu ala, Chóó Lémi ngê Tp:oo ka a kâadî nmoo, ghê kamî nmo a kpo, ghéni n:ii chedê ngê daawa pyódu. Pini n:ii u nuw:o Chóó Lémi Tp:oo p:uu a kwo, yi pini ngê ghê kamî dpo pyw:oo. Pini n:ii u nuw:o Chóó Lémi Tp:oo p:uu daa kwo, ghê kamî d:uudpo pyw:oo. A tîdê mbwó yoo, yi kópu dyuu nmye d:a d:êê, mu kópu u dîy:o Chóó Lémi Tp:oo ka nmye kêlîmî té. U ya a nga a kwo, Nmyi lama a yaa we, Ghê kamî wunê nmyinê pyw:ee ngópu, ghéni n:ii chedê ngê daawa pyódu.



Njon 14; 2 Kódin 5; Tpyuu4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Yele NT (yle) © 1998, Wycliffe Bible Translators, Inc.
All rights reserved.

<https://live.bible.is/bible/YLEWBT/MAT/1>

©2025 Bible for Children, Inc.

www.M1914.org

www.bibleforchildren.org

